



Broj: 10/E-11-1663/25-1
Sarajevo, 16-04-2025 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH”, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo”, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine, (u daljem tekstu: Komisija II), u postupku javne nabavke: Nabavka korisničkog softvera: LOT 1 – Autodesk; LOT 2 – Microsoft; LOT 3 – Adobe i LOT 4 – Razni SW, za **LOT 1 - Autodesk** (Zapisnik o pregledu i ocjeni ponuda broj: 10/E-11-1663/25-1 od 11.04.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **“GEOINOVA” d.o.o. Banja Luka**, ulica Njegoševa broj 7, 78000 Banja Luka, broj: 112-03/25 od 31.03.2025. godine, za nabavku korisničkog softvera, **LOT 1 - Autodesk**, putem otvorenog postupka, sa cijenom u ukupnom iznosu od **27.000,00 KM bez PDV-a**, odnosno **31.590,00 KM sa PDV-om**.
- II.** Ugovorni organ će sa izabranim ponuđačem zaključiti ugovor kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Nabavka korisničkog softvera: LOT 1 – Autodesk; LOT 2 – Microsoft; LOT 3 – Adobe i LOT 4 – Razni SW, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-1663/25 od 10.03.2025. godine.

Ukupna procijenjena vrijednost nabavke bez uračunatog PDV-a iznosi 111.000,00 KM.

Predmet nabavke je podijeljen na LOT-ove, i to:

- LOT 1 – Autodesk
- LOT 2 – Microsoft
- LOT 3 – Adobe
- LOT 4 – Razni SW

Procijenjena vrijednost nabavke za LOT 1 – Autodesk bez uračunatog PDV-a iznosi 56.000,00 KM.

Obavještenje o nabavci 848-1-1-21-3-85/25 objavljeno je dana 20.3.2025. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (10.04.2025. godine do 12:00 sati), na adresu Ugovornog organa primljene su 2 (dvije) ponude, za LOT 1 – Autodesk, dostavljene od ponuđača: "BHS Informatika" d.o.o. Sarajevo i 2. "GEOINOVA" d.o.o. Banja Luka, što je evidentirano u Zapisniku o otvaranju ponuda, broj: 10/E-11-1663/25-1 od 10.04.2025. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitana je cijena ponuda, kako slijedi:

R/b	Ponuđač	Ukupna cijena bez PDV-a	Popust	Ukupna cijena sa popustom i PDV-om
1.	"BHS Informatika" d.o.o. Sarajevo	27.601,00	/	32.293,17
2.	"GEOINOVA" d.o.o. Banja Luka	27.000,00	/	31.590,00

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljene ponude ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Detaljnom računskom provjerom ispravnosti ponuda navedenih ponuđača, Komisija II je ustanovila da su podnesene ponude računski ispravne, te da je ispravno obračunata ukupna cijena svake ponude sa PDV-om.

Nakon analize, usporedbe, ocjene i vrednovanja pristiglih prihvatljivih ponuda prema pravilima propisanim Zakonom o javnim nabavkama i podzakonskim aktima, primjenom tenderskom dokumentacijom propisanog kriterija za dodjelu ugovora „najniža cijena“, u skladu sa članom 64. stav (1) tačka b) Zakona o javnim nabavkama, Komisija II je izvršila rangiranje ponuda kako slijedi:

RANG	Ponuđač	Ukupna cijena bez PDV-a
1.	"GEOINOVA" d.o.o. Banja Luka	27.000,00
2.	"BHS Informatika" d.o.o. Sarajevo	27.601,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **"GEOINOVA" d.o.o. Banja Luka**, ulica Njegoševa broj 7, 78000 Banja Luka, broj: 112-03/25 od 31.03.2025. godine, sa cijenom u ukupnom iznosu od **27.000,00 KM bez PDV-a**, odnosno **31.590,00 KM sa PDV-om**, kao najpovoljnije za nabavku korisničkog softvera, **LOT 1 - Autodesk**, sa kojim će biti zaključen ugovor.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 1.200,00 KM u skladu sa članom 108. stav (1) tačka b) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri. Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-1663/25-1 od 11.04.2025. godine



Dostaviti:

1. Ponuđaču: "BHS Informatika" d.o.o. Sarajevo
ulica Džemala Bijedića broj 279 F, 71000 Sarajevo
2. Ponuđaču: „GEOINOVA“ d.o.o. Banja Luka
ulica Njegoševa broj 7, 78000 Banja Luka
3. Kabinetu općinskog načelnika – Odsjek za informatiku
4. Kabinetu općinskog načelnika – Odsjek za javne nabavke
5. Službi za finansije
6. U spis